

阿毗曇毗婆沙論卷第六十

仁十

迦旃延造 北涼沙門浮陀跋摩共道泰譯

使捷度十門品之七

問曰苦集滅道有何相尊者波奢說曰遍切相是苦相有相是集相寂靜相是滅相乘相是道相尊者和須蜜說曰轉相是苦相能轉相是集相止相是滅相住轉相是道相復次轉有身是苦相能轉有身是集相轉有身盡是滅相住轉有身是道相尊者佛陀提婆說曰物體作諦名五取陰體如熱鐵叉共火合與火同色三苦與五取陰合亦復如是是苦諦苦從煩惱生業能迴轉是集諦煩惱業壞更不受有是滅諦修戒修定以慧觀生滅能斷有因是道諦

佛說偈言

一諦無有二 衆生於此疑 種種說諸諦
不說有沙門

問曰有四諦何故說一諦尊者波奢說曰

諦者謂苦諦無第二苦諦一集諦無第二集
諦一滅諦無第二滅諦一道諦無第二道諦
復次一諦者謂滅諦爲對種種解脫故外道
計種種解脫無有解脫無邊意解脫淨聚解
脫世俗解脫無身解脫是空處無邊意解脫
是識處淨聚解脫是無所有處世俗解脫是
非想非非想處佛作是說此是受身處非是
解脫真解脫者唯一滅盡涅槃復次一諦者
謂道諦爲對種種道故外道計多種道謂不
食道卧灰上道事日月道食風食果道裸形
道卧刺棘道著弊衣道佛作是說此非是道
此是邪道非善人所依道真實道者謂八聖
道復次一諦者謂滅諦以能盡身苦故一諦
謂道諦能盡惡道苦故

佛經說二諦謂世諦第一義諦問曰云何是
世諦云何是第一義諦耶答曰或有說者二
諦是世諦謂苦諦集諦所以者何世法在此
二諦中故如男女行來現在所作事悉在彼

中二諦是第一義諦謂滅諦道諦復有說者三諦是世諦謂苦集滅諦所以者何滅諦佛說是假名彼岸城故一諦是第一義諦謂道諦復有說者道諦亦是世諦所以者何佛說道諦亦是假名如沙門婆羅門評曰應作是說四諦亦是世諦亦是第一義諦苦集諦是世諦者如先所說第一義諦者如苦空無常無我因集有緣是也滅諦說是世諦者佛說滅諦如城如園林第一義諦者盡止妙離道諦是世諦者佛說道諦如棟如石如山如華如水如梯如樓觀第一義諦者道如迹乘若作是說四諦盡是世諦第一義諦者則一切法盡有世諦第一義諦世諦攝十八界十二入五陰第一義諦亦攝十八界十二入五陰問曰世諦中爲有第一義諦不若有第一義諦者便是第一義諦無有世諦若無者亦是一諦謂第一義諦答曰應作是說世諦中有第一義諦若世諦中無第一義諦者如來說

二諦則不如其實以如來說二諦如其實故世諦中應有第一義諦問曰若然者便有一諦謂第一義諦答曰如是唯有一諦謂第一義諦問曰若然者佛何故說二諦答曰以事故不以體分唯有一諦謂第一義諦以事故而有差別若以事故名爲世諦不以此事名第一義諦若以事故名第一義諦不以此事名爲世諦猶如一受有四緣性謂因次第境界威勢緣若因以事故名爲因緣不以此事故乃至名威勢緣若以事故名威勢緣不以此事故乃至名因緣又一受有六因性謂相應共生相似一切偏報所作因若以事故名相應因不以此事乃至名所作因若以事故名所作因不以此事乃至名相應因彼亦如是問曰世諦第一義諦爲可得施設別體不雜合耶答曰可得尊者和須蜜說曰名是世諦名所顯義是第一義諦復次隨順世間所說名是世諦隨順賢聖所說名是第一義諦

尊者佛陀提婆說曰若說衆生如其所念相應之言是名世諦若說緣起等法如其所念相應之言是名第一義諦尊者陀羅達多說曰世諦體相是名苦集諦少分

佛經說婆羅門梵志有三諦是婆羅門梵志
諦云何爲三婆羅門梵志作如是說不應害衆生如是說者此言是實是名婆羅門梵志初
諦婆羅門梵志復作是說我非彼所有彼非我所有如是說者此言是實是名婆羅門梵志第二
諦婆羅門梵志復作是說所有集法皆是滅法如是說者此言是實是名婆羅門梵志第三
諦問曰此中何者是婆羅門何者是諦答曰佛法外道是婆羅門向所說三諦是名諦餘悉非諦不害衆生者不殺一切衆生我非彼所有彼非我所有者我不屬彼
彼不屬我所有集法悉是滅法者所有生法皆當歸滅復有說者此佛法內名婆羅門諦者向所說三諦佛爲對外道故說此經外道

自言是婆羅門而逼切他所以者何爲祠祀故殺牛羊水牛及餘種種衆生佛作是說若逼切衆生不名婆羅門實義婆羅門者謂不惱害一切衆生外道自言是婆羅門爲天女色故而修梵行佛作是說婆羅門者不應爲天女色而修梵行實義婆羅門不爲女色不爲居家無所染著外道自言是婆羅門而貪著斷常見佛作是說婆羅門者不應貪著斷常若知集法即是滅法是實義婆羅門復次此經說三解脫門方便不害一切衆生是空解脫門方便我非彼所有彼非我所有是說無作解脫門方便所有集法悉是滅法是說無相解脫門方便如三解脫門四三三昧三種身三學三修三淨說亦如是

佛經說比丘當知觀察四方者是四諦問曰世尊何故說方名諦答曰爲教化故受化者應聞諦以方名說然後悟解如餘經中說佛爲受化者說解脫門名方受化者應聞解脫

門以方名說佛便以方名說解脫門彼亦如是問曰四諦四方有何相似答曰俱是法方亦有四諦亦有四問曰何方與何諦相似答曰東方當知如苦諦西方如集諦如行者見諦時前見苦諦後見集諦復有說者東方是集諦西方是苦諦是因果法前因後果故南方如道諦所以者何道諦是福田故北方如滅諦滅諦無有上故

佛經說慧根當知在四諦中問曰爲以攝故言在中爲以緣故言在中若以攝故言在中者慧根不攝四諦不攝慧根若以緣者慧能緣一切法答曰應作是說不以攝故亦不以緣故言在中以慧根分別諦時勢用最勝說言在中如信根於四不壞信勢用勝故佛作是說信根當知在四不壞中如精進根於四正斷中勢用勝故佛作是說精進根當知在四正斷中念根於四念處勢用勝故佛作是說念根當知在四念處中定根於四禪

三十一

中勢用勝故佛作是說定根當知在四禪中復有說者以緣故作如是說問曰若然者慧緣一切法答曰此中說緣有漏無漏慧緣虛空非數滅慧一向有漏故說緣

尊者舍利弗作如是言諸長老當知所有一切善法皆從四諦生四諦所攝在四諦中問曰如三諦是有爲能生善法可余滅諦是無爲云何能生善法耶答曰雖不能生善法能攝善法復次生有二種一有善法二生善法滅諦雖不生善法而是有善法復次此中說得生滅諦雖不生善法而滅諦得善法生尊者波奢說曰此中說忍及智緣在緣中苦忍苦智道諦所攝緣在苦諦集忍集智道諦所攝緣在集諦滅忍滅智道諦所攝緣在滅諦道忍道智道諦所攝緣在道諦

佛經說如來等正覺隨宜說法皆爲拔濟衆生令得勝處亦爲分別顯現解說四聖諦法云何爲四謂苦聖諦苦集聖諦苦滅聖諦苦

滅道聖諦問曰何故言拔濟答曰自拔濟非以他修道故名拔濟何以知之答曰經說有婆羅門名度得迦往詣佛所而說是偈

今見婆羅門 現行在人間 我今禮偏眼願脫我狐疑

問曰此偈爲說何事答曰彼婆羅門其性懶慢欲令他人修道斷煩惱是故向佛作如是愛語汝實是天而生人間願見於愍汝爲我故而修聖道斷我煩惱佛即說此偈我無自在力 能斷汝狐疑 汝見勝法時乃得度大海

佛作是說婆羅門當知無有他人修道自斷煩惱若當他人修道自斷煩惱者我初在菩提樹下修道之時一切衆生煩惱應斷所以者何我有大悲心普及一切衆生故但他人修道自斷煩惱無有是事若自修道自斷煩惱可有是事猶如他人服藥自除其病無有是事若自服藥自除其病斯有是事是故自

拔濟名爲拔濟不以他修道故而得拔濟復次言拔濟者如高山險谷是可畏處凡夫法亦如是平坦地無可畏處聖法亦如是能拔凡夫高山險谷可畏之處安置聖法平坦之地無可畏處故言拔濟復次等入正法中故言拔濟等者是世第一法入正法中者是苦法忍問曰何故說諦名拔濟說陰界入不名拔濟耶答曰以觀諦時得正決定能得果離欲盡漏復次說諦是勝說亦爲勝受化者說以近生法身近得諦故說界爲初行者說入爲已行者說陰爲久行者說

問曰言聖諦者爲以善聖故言聖爲以無漏聖故言聖爲以聖人成就故言聖若以善聖言聖諦者二是善謂滅道二有二種謂苦集若以無漏聖言聖諦者二諦是有漏二諦是無漏若以聖人成就言聖諦者非聖亦成就如說誰成就者苦集諦答曰一切衆生答曰應作是說聖人成就故言聖問曰若然者非聖

亦成就諦答曰言成就者成就四諦凡夫雖成就諦不具四諦問曰聖人亦有不具成就四諦者如具縛入見道時苦法忍現在前答曰以時少故若苦法智生具成就四復次聖人中有具成就四諦者凡夫中乃至無有一人具成就四諦者尊者僧伽婆修說曰佛在世時凡夫聖人共論此事凡夫人作如是說諸行是常樂我淨聖人作如是說諸行是無常苦空無我凡夫人言我所說是實聖人亦言我所說是實以是事故共詣佛所佛作是言聖所說是實所以者何聖諦是聖人所知見法是故名聖諦復次若身中有聖法印者彼所有諦名爲聖諦復次若得聖戒名爲聖人彼所有諦名爲聖諦復次若得聖慧名爲聖人彼所有諦名爲聖諦復次若得聖舍摩他毗婆舍那名爲聖人廣說如上復次若得聖財名爲聖人廣說如上復次若得聖覺支名爲聖人廣說如上復次若得聖胎名爲

聖人廣說如上

云何苦聖諦佛經說生苦老苦病苦死苦不受愛會苦愛別離苦求不得苦略說五取陰是苦生相故是生苦住變異相故是老苦逼切相故是病苦盡相故是死苦不愛相共會故是不愛會苦相別離故是愛別離苦不得自在故是求不得苦如是等諸苦皆是有漏五取陰所攝是故略而言之五取陰苦復次生是一切苦立足處一切苦因故名生苦壞可愛盛年故是老苦壞可愛無病故是病苦壞可愛命故是死苦共不可愛境界會故是不愛會苦與可愛境界離別故是愛別離苦一切意所念不果故是求不得苦如是等諸苦是有漏五取陰所攝故作是說略說五取陰是苦問曰五取陰是廣苦何故言略說五取陰是苦答曰五取陰廣亦是苦略亦是苦住五取陰多諸過患說不可盡是故佛說略而言之五取陰是苦猶如有人多諸過惡人作是

言此人過惡不可具說略而言之是多過惡人彼亦如是問曰陰中爲有樂不耶若陰中
有樂者何以不言樂諦但言苦諦若無者佛經云何通如說摩訶男若色一向是苦無樂不能生喜樂意衆生則更無餘因能令衆生起於愛心摩訶男色非一向苦故衆生於中

廿十

八

起染愛心乃至識亦如是又如說三受各有定體不相雜合謂苦樂不苦不樂又如說以所須具能修於道以道能到涅槃以道樂能得涅槃樂答曰應作是說陰中有樂而樂少苦多樂法少苦法多以樂少故說在苦分中譬如毒瓶一滴蜜墮中不以一滴蜜故名爲蜜瓶以毒多故名爲毒瓶彼亦如是復有說者陰中無樂以是事故名爲苦諦不名樂諦問曰若然者佛經云何通答曰受上苦時於中苦作樂想受中苦時於下苦作樂想受地獄苦時以畜生苦作樂想受畜生苦時以餓鬼苦作樂想受餓鬼苦時以人苦作樂想受

人苦時以天苦作樂想復有說者如世人所言陰中有樂世人飢渴得飲食寒時得溫疲時得乘熱時得涼作如是說我今得樂如聖人言陰中無樂聖人觀阿鼻地獄陰界入如熱鐵丸乃至觀有頂陰界入亦如熱鐵丸云何苦集聖諦佛經說生後有愛及喜心俱愛處處喜愛是名苦集聖諦問曰世尊何故捨諸有漏法但說愛是集諦非餘法耶答曰施設集諦愛增益勢用勝是故佛唯說愛是集諦非餘有漏法如思於造作法增益勢用勝故佛於一切相應不相應法中說思是行陰彼亦如是復次以愛是過去未來現在苦因根本出處起處因故復次以愛數數生苦九
廿十
九

數數還受苦

如樹不拔根雖斷而復生不拔愛使本

復次愛能潤澤亦能燒害猶如熱油滴人身
上亦潤亦燒彼亦如是復次以愛能起受生

死屍鬼故譬如有水處能起死屍鬼如是有愛水處能起受生死屍鬼復次以愛故受畜衆生數非衆生數物衆生以愛故畜衆生數物謂妻子奴婢及諸僮僕象馬牛羊等衆生數物衆生以愛故畜非衆生數物謂宮殿屋舍種種財寶及種種穀麥復次衆生以愛故長養男身女身衆生以愛故如法供養父母妻子奴婢及諸親屬知識如鳥以愛故於一谷中接取諸蟲於一谷中自養其子復次以愛欲故得未來有身以欲故追求故得復次以愛潤故今生死不萎枯譬如藥果樹木以水潤故而不萎枯彼亦如是復次以愛潤故後有芽生以愛故父母精氣在母胎中為捷闔婆作所依復次如愛行所依所緣故而生餘煩惱行所依所緣亦生如大魚去處小魚亦隨彼亦如是以是事故說愛是衆煩惱王復次若身中有愛者餘煩惱亦著如衣膩塵垢亦著彼亦如是以是復次若身中有愛水諸煩

惱則樂著此身譬言如有水處魚等水性則生
樂著彼亦如是復次愛於鹹水難可止足猶
如渴人飲於鹹水歟已生渴如是未離欲衆
生復於境界轉生渴愛復次以愛故別異衆
生能令合會如以水故能令別異土沙而得
合會彼亦如是復次以愛故能令衆生善根
不熟亦作潤濕令自身相著疊如蠅著蘇油
蜜濕草之上則不能飛騰虛空彼亦如是復
次愛因時所行異果時所行異因時所行如
親愛果時所行如怨家猶如商人入海與羅
刹交初所行異後所行異初作是言善來賢
善善來大仙願爲我等作主乃至廣說後若
交會得其意時擲鐵城中食其血肉唯有餘
骨愛亦如是因時所行猶如親愛果時所行
猶如怨家衆生以愛故造諸惡業墮惡趣中
受無量苦復次說愛是受生因如說業是取
生因愛是受生因復次愛難斷難却此中應
說喻猶如有人爲二羅刹所持一作母形二

作怨家形作母形者難除難却作怨家形者易除易却如是未離欲衆生爲二結所因謂恚結愛結恚結易斷易却愛結難斷難却復次以愛結數數微細行愛行時微細難可識知譬如旋師所用利器有所截斷微細難覺彼亦如是復次以愛在三有支中初生是愛增廣是取前次第滅是無明復次佛經說愛是前導如說阿難當知緣愛故有追求緣追求故得緣得故分處緣分處故生偏愛緣偏愛故生貪著緣貪著故生慳緣慳故受不捨緣受不捨故生守護緣守護持刀執杖生種種鬪諍欺詐妄語生餘種種惡不善法復次以愛於八處染汚定勢用勝故如說味初禪住是復次佛說愛如縛如偈說愛繫縛衆生如繩繫飛鳥乃至廣說復次佛說愛如網如說我愛如網如枝復次佛說愛是廣如說廣無過於愛渴復次說愛如河如說比丘當知三

河者謂欲愛色愛無色愛復次愛難斷難過難除故復次愛多諸過患故復次以愛故有界差別地差別種差別能生一切煩惱以如是等事故佛經說愛是集諦非餘有漏法云何苦滅聖諦答曰佛經說生後有愛及喜心俱愛處處喜愛已吐已捨盡無餘是名苦滅聖諦問曰集亦滅何故但說苦滅聖諦不說集滅聖諦答曰應說集滅聖諦亦應說苦滅聖諦而不說者當知此說有餘復次若說苦滅當知已說集滅所以者何苦外更無有集若說苦滅當知已說集滅復次若說苦滅受化者則生喜心言是滅妙好能滅此弊惡苦集法不尔以如是等事故但說苦滅不說集滅云何苦滅道聖諦答曰佛經說八聖道是也正見乃至正定問曰此亦是集滅道不但是苦滅道何故但說苦滅道不說集滅道耶答曰如說苦滅道聖諦亦應說集滅道聖諦而不說者當知此說有餘復次苦說苦滅道聖

諦當知已說集滅道聖諦所以者何苦外更無集故復次若說苦滅道聖諦受化者則生喜心言是道妙好能滅此弊惡苦集法不尔復次欲現道力令苦不生故設有人問道沒能令因非因果非果耶彼當答言不能但能令生苦因緣者不生復次爲止誅謗道故若人年七歲八歲得阿羅漢道後壽百年於其中間身受無量諸苦如是四百四病等世人見之而作是言此人有道爲無所益受苦若此佛作是言道已於此人大有所作此人若身壞命終更不受諸苦以如是等事故說苦滅道聖諦不說集滅道聖諦

問曰世尊何故先說苦諦乃至後說道諦答曰欲令文義隨順故若先說苦諦後乃至說道諦則文義隨順復次若如是說諦則說者亦易受者亦易復次此諦法或以起處得名或以隨義得名或以見時得名以起處得名者如念處禪無色定等行者先修身念處佛

十一

先說身念處後乃至說法念處禪無色定廣說亦尔隨義得名者如正斷神足根力覺道等見時得名者如四聖諦行者先見苦諦佛先說苦諦後乃至見道諦佛後說道諦問曰此中因論生論行者何故先見苦諦後乃至見道諦答曰以鹿細故四諦中苦諦最鹿以苦鹿故行者先見三諦細故行者後見如索迦人蛇摩那人兜法羅人學射之時先射鐵箠草人濕泥團等箭矢無不善後漸更學乃至射一毛彼亦如是問曰應先因後果何故行者先見苦果後見集因答曰先見苦後斷集是隨順法云何知苦隨順斷集耶答曰如樹先斷其枝後拔根易如生死樹先知苦枝後拔集根則易問曰道在前滅在後何故行者先證滅後修道答曰先證滅後修道是則隨順若當先修道後證滅者不知此道爲是誰道若先證滅後修道者乃知此道是滅道如人問他示我道處他入問言爲問至何處

道答言欲至城道他人答言此道即是如彼
以城示道則得隨順此亦如是以滅示道則
得隨順復次行者先以道斷緣三諦愚後起
緣道現在前斷緣道愚如人於他面無疑於
自面有疑若以明鏡照自面像疑心則除彼
亦如是復次緣苦愚持緣集愚緣集愚持緣
年十三
滅愚緣滅愚持緣道愚不得不除緣苦愚除
緣集愚不得不除緣集愚除緣滅愚不得不
除緣滅愚除緣道愚如持生亦如是復次觀
苦觀能生觀集觀觀集觀能生觀滅觀觀滅
觀能生觀道觀不可不生觀苦觀乃至能生
觀道觀復次觀苦觀是集觀因是根本是出
處是所作是緣是起處集觀是滅觀因等滅
觀是道觀因等不可不生觀苦觀乃至生觀
道觀復次觀苦觀是觀集觀方便是門是所
依乃至滅觀是觀道觀方便是門是所依餘
廣說如上復次觀苦觀是觀集觀所依處立
足處乃至觀滅觀是觀道觀所依處立足處

餘廣說如上尊者波奢說曰行者先知五取
陰如癰後來其因知集是因何處能除此因
滅處能除誰能滅耶道能滅之如身體細軟
之人身生癰瘡受大苦惱作如是念此瘡何
由而生知從風冷熱生何處能令無此謂無
病處誰能除此謂若塗若熟若破彼亦如是
復次行者知此五取陰是過患誰是其因集
是其因何處得除滅處得除誰能除之道能
除之如人有子作賊行惡親近惡友被人作
是念誰令我子作如是惡知親惡友誰能除
制知是善友彼亦如是

彼見苦時先見欲界苦後見色無色界苦問
曰何故行者先見欲界苦後見色無色界苦
耶答曰以鹿細故欲界苦鹿色無色界苦細
行者先見欲界鹿苦後見色無色界細苦問
曰若然者色界苦鹿無色界苦細何故一時
見耶答曰以與此身俱不俱故欲界苦與身
俱色無色界苦雖有鹿細而不與此身俱故

一時見復次欲界苦屬我是我有色無色界

苦不屬我不見我有是故俱見復次欲界苦

苦痛逼切如負重擔是以先見色無色界苦

非苦痛逼切如負重擔故是以俱見復次欲

界苦是近故先見色無色界苦是遠故俱見

如近遠俱不俱此身他身說亦如是問曰行

者於色無色界苦為現見不答曰現見有二

種一離欲現見二自身現見行者於欲界苦

有二種現見謂自身現見離欲現見於色無

色界苦雖有離欲現見而無自身現見譬如
賈客有財兩擔一自身擔二使他擔於自身
擔者有二種現見一知財現見二知重現見

於他擔者有一種現見謂知財現見復次欲

界苦是不善無記是以先見色無色界苦

是善無記是故俱見復次行者成就欲界凡

夫性是以先見不成就色無色界凡天性是

故俱見復次詐謗時先謗無欲界苦是以先

於欲界苦生信後詐謗色無色界苦是以後

生信

十四末

阿毗曇毗婆沙論卷第六十

仁十

裸形果

上魯反

刺棘

上七賜反

祓

上毗尼反

梯

土芳反

祠

祀

上音似

狐疑

上音胡反

懶惰

上郎平反

怠

上平反

愍愍

上居反

陵平坦

下音罕反

疲

音皮反

醜醜

二同音咸反

旋師

上詞恋反

摠

阿毗曇毗婆沙論卷第六十一

慈一

迦葉延子造

北涼沙門浮陀跋摩共譯

秦譯

使捷度十門品之八

問曰見諦時為別相見為摠相見若以別相
者別相有無量見諦則無竟已如地有無量
別相若觀地別相不能令盡而便命終若以

摠相者云何不名一時見諦別相諸法復云
何知答曰應作是說以摠相見諦問曰若然

者云何不名一時見諦答曰以摠相者於一

諦摠相非四諦摠相為少分相故分別無量

摠相別相如地有摠相以三大故地是別相

一切地皆是堅相是摠相四大是色陰色陰